
 Saksnr: 2021/471-21
 Saksbehandlar: Bente Blytt

Saksgang

Utval	Utv.saksnr.	Møtedato
Hovudutval for kultur, idrett og integrering		25.03.2021

Tilskot til inkludering og mangfald 2021

Forslag til vedtak

Vestland fylkeskommune vedtek å løyve kr 881.000,- frå budsjettpost 402 300, fordelt slik:

	Søkjjar	Prosjektnamn	Tilråding NOK
1	Miks ressurscenter for	Grunderprogram for flerkulturelle entreprenører	0
2	Vestland idrettskrets	Inkludering i idretten - idrettsglede for alle	0
3	Papillon	"Eg e meg!" Skoleprosjekter for videregående skoler og ungdomsskoler	281 000
4	Hordaland Røde Kors	Åpne møteplasser med norsktrening	150 000
5	Funksjonshemmede fellesorganisasjon Vestland	Kurs, informasjonsvirksomhet og brukermedvirkning	0
6	Bergen kommune, bergen kulturskole	Scenedrøm	0
7	KFUK-KFUM Norge	Økt ungdomsdriv i Vestland	100 000
8	Way Forward	Sunn kropp, frisk hjerne 2021	0
9	Afghansk kulturforening på Vestlandet	Afghansk kulturforening på Vestlandet	0
10	Stiftelsen Lystgården	Sosial gastronomi på Lystgården	0
11	Bærekraftig liv	Klima og integrering	50 000
12	Bergen internasjonale filmfestival	Checkpoints 2021	0
13	Friskus AS	Ut av passivitet og inn i felleskap og aktivitet	0
14	International mens health organisasjon	Møteplasser for å fremme menns helse	100 000

15	Landsforeningen for ryggmarksskadde LARS		0
16	Pensjonistforbundet Hordaland	Aktivitetar i pensjonistforbundet i Hordaland - 2021	50 000
17	Stiftelsen Espeland fangeleir	Digital almenning - Minner for menneskeverd	100 000
18	Pensjonistforbundet Sogn og Fjordane	Drift/aktivitetar i Sogn og Fjordane 2021	50 000
19	Vestland Innvanderråd	"Demokrati og deltagelse" - Turne i Vestland	0

Det vert vist til vedlegget med oversikt over søkjarar for grunngjeving av vedtaket.

Samandrag

Tilskot til "Inkludering og mangfald" skal støtte opp om frivillig sektor og institusjonar på regionalt nivå som jobbar med å stimulera til brei samfunnsdeltaking og å bygge ned hinder som stengjer for dette. Ordninga skal bidra til å motverke utanforskap og stimulere til variasjon og mangfald i tilbod og aktivitetar. Ordninga skal også fremme kunnskap om og respekt for ulike kulturar. 19 søknader er vurdert og 8 er tilrådd tilskot dette året.

Per Morten Ekerhovd
fylkesdirektør

Ingebjørg Erikstad
konst seksjonssjef

Saksframlegget er godkjent elektronisk og har difor inga handskriven underskrift

Vedlegg

- 1 Vedlegg fordeling av tilskot
- 2 Retningslinjer

Saksutgreiing

Bakgrunn for saka

Hovudutval for kultur idrett og integrering vedtok i sak PS 6/2020 i møte 13.02.2020 retningslinjer for tilskotsordninga "Inkludering og mangfald". Begge dei to tidlegare fylkeskommunane har i sine vedtekte regionale planer hatt fokus på inkludering. Ei sentral oppgåve for den nye fylkeskommunen er oppfølging av frivilligheit og samfunnsdeltaking. Medan integrering er knytt til innvandrarak, er inkludering eit breiare omgrep som femner om alle som fell utafor.

Føremål med ordninga:

Målet med ordninga er å stimulere til brei samfunnsdeltaking og å bygge ned hinder som stengjer for dette. Ordninga skal bidra til å motverke utanforskap og stimulere til variasjon og mangfald i tilbod og aktivitetar. Gjennom ordninga skal kunnskap om og respekt for ulike kulturar, demokrati og menneskerettar styrkast. Tilskotsordninga skal bidra til å bygge opp under fylkeskommunen sine mål og arbeid på området inkludering og mangfald.

Kven kan søkje?

Tilskotsordninga er retta inn mot frivillige organisasjonar med demokratisk oppbygging og institusjonar som arbeidar innan inkludering og mangfald på regionalt nivå og som har heile eller store deler av Vestland som sitt arbeidsområde.

Budsjett 2021:	kr. 881 691
Søknadsfrist:	15.02.2021
Vedtaks kriteria:	Hovudutvalet 13.02.20, PS 6/20
Kriteria og informasjon om ordninga:	Informasjon på nettsida
Tal på søknader:	19
Tal på søknader tildelt støtte:	8
Samla søknadssum:	kr 4 497 000
Samla løyving:	kr 881 691

Det er ingen midlar att til fordeling haust 2021 på denne ordninga.

Vedtakskompetanse

Hovudutval for kultur idrett og integrering, jfr. Vedteke reglement for hovudutval for kultur, idrett og integrering, punkt 3.

Vurderingar og verknader:

Økonomi: I saka vert det tilrådd fordelt 881 000 kroner som er sett av i budsjett 2021 til drift/tiltak i regi av regionale frivillige organisasjonar/institusjonar.

Klima: Tilskotsordninga skal vere med og hjelpe fram frivillig sektor sin innsats til ei berekraftig regional utvikling med hovudfokus på deltaking.

Folkehelse: Mange av søknadane og tiltaka har klart folkehelseperspektiv og tilskota vil ha positiv verknad på fylkeskommunen sitt samla folkehelsearbeid.

Utviklingsplan for Vestland 2020-2024 (Regional planstrategi): Utviklingsplan for Vestland har m.a. fokus på at Vestland skal fremje opne og inkluderande arenaer for deltaking i kultur, frivillig arbeid og sivilsamfunn. Tilskot til den aktiviteten som søkjarane her representerer vil verke positivt inn på samfunnsutvikling i Vestland.

Fylkesdirektøren sine overordna kommentarar til innstillinga:

Ordninga vart overført til hovudutval for kultur, idrett og inkludering i 2020. Tidlegare heitte ordninga "Ymse tiltak" og det var fylkesutvalet som handterte søknadene. Fylkesdirektøren si tilnærming har vore ei gradvis justering av innretninga på ordninga. Tilskotet er i utgangspunktet på 3 511 691 kroner, og det er allereie fordelt driftstilskot til ymse organisasjonar frå fylkestinget. Det resterande beløpet til fordeling er derfor 881 691 kroner.

Fylkestinget i budsjetthandsaminga i desember 2020 gjorde følgjande vedtak om løyvingar som ligg til denne budsjettposten:

- Bergen Døvesenter kr 300 000
- FN-sambandet i Norge kr 100 000
- FRI Bergen og Hordaland kr 200 000

- | | |
|--|------------|
| • Kirkens SOS | kr 250 000 |
| • Raftostiftelsen | kr 450 000 |
| • Stiftelsen Kirkens bymisjon (helsesenter for papirlause) | kr 300 000 |
| • Stiftelsen Robin Hood-huset | kr 200 000 |
| • Minnemarkering etter tankens dag | kr 50 000 |
| • Vestland innvandrerråd | kr 780 000 |

Fylkesdirektøren vil elles vise til at det innan fleire av fagområda i både avdeling for kultur, idrett og inkludering og i fylkeskommunen elles, vert lagt stor vekt på inkludering, både via tilskot (t.d. idrett og friluftsliv, bibliotek) og via det faglege arbeidet som vert gjort. Arbeidet med tilskota på avdelinga er samordna og vi ser på om vi kan samkøyre enda meir framover.

Søknadsmassen viser at det er mange aktørar som arbeider godt med inkludering og mangfald frå ulike perspektiv, og fylkesdirektøren skulle gjerne sett at vi kunne ha støtta fleire i deira gode arbeid. Fleire av søknadene har også eit tydeleg folkehelseperspektiv.

Nokre av søkjarane vil det vere av stor interesse for fylkeskommunen å ha nærare drøftingar og samarbeid med når integreringspolitikken skal utformast vidare. Fylkesdirektøren vil fortsette arbeidet vidare med dette og også synleggjere for utvalet korleis vi kan legge opp slikt mogleg samarbeid vidare. Dette samarbeidet bør også involvere andre sektorar i fylkeskommunen.

Absolutt kriteria:

Søklar må vere fylkesdekkande eller i det minste dekke store delar av fylket (regionalt nedslagsfelt).

Vurderingskriteria:

- Bygge ned stengsler for aktiv samfunnsdeltaking
- Motivere til aktiv samfunnsdeltaking og motverkar utanforskap
- Stimulere til mangfald i tilbod og aktivitetar
- Fremje kunnskap og respekt for ulike typar kulturar, demokrati og menneskerettar

Fylkeskommunen legg FN sine berekraftsmål til grunn i sitt planarbeid. Berekraftsmåla skal bidra til ein balanse mellom økonomisk utvikling, sosial utvikling og naturmiljøet si toleevne. Tilskotsordninga skal vere med å hjelpe fram frivillig sektor sin innsats til ei berekraftig regional utvikling.

Frivillige organisasjonar som mottek tilskot frå fylkeskommunen skal ha ein heilårleg aktivitet og eit langsiktig perspektiv for sitt arbeid. Fylkeskommunen kan setje vilkår for bruken av tildelte midlar. Tilskot frå denne ordninga vert ikkje gitt til organisasjonar/tiltak som naturleg høyrer heime under andre fylkeskommunale tilskotsordningar (t.d. ordningar innan idrett og friluftsliv, kunst, kultur, m.m.). Vi prioriterer heller ikkje kommunale tiltak innan denne ordninga.

Fylkeskommunen kan krevje betalt attende tilskot som vert nytta i strid med gjevne vilkår.

Generelle vurderingar:

Nokre av søknadene fell utanfor tilskotsordninga, då dei er av lokal karakter. Fylkesdirektøren prioriterer heller ikkje AS og kommunar når det vert tilrådd tilskot frå denne ordninga. Det er gitt prioritet til søkjarar/tiltak som ikkje har søkt/fått støtte frå andre budsjettpostar i fylkeskommunen sitt budsjett.

Der vi har tilrådd tilskot, har vi lagt stor vekt på omsynet til tilrettelegging for aktiv samfunnsdeltaking, motverke utanforskap og mangfald i aktivitetar og tilbod. Budsjetttramma set sine grenser og gjer såleis at enkelte gode søknader ikkje vert prioritert for tilskot i 2021.

I søknadsmassen er det både søknader om driftstilskot og søknader på meir prosjektretta tiltak. I begge tilfelle vert det lagt stor vekt på at tilskota skal nå mange, samstundes som det skal vere ei viss breidde i aktivitetar og tiltak. Mange av dei prosjektretta søknadene er ulikt komne i finansieringsarbeidet. Dette og den aktuelle korona-situasjonen kan medføre at enkelte prosjekt ikkje vert realisert. Fleire har likevel lagt opp til alternativ gjennomføring fullt eller delvis digitalt. Fylkesdirektøren vil ha tett dialog med tilskotsmottakarane med tanke på framdrift og gjennomføring.

Tilskotsordninga har eit breitt perspektiv og målgruppa er samansett. Det er såleis viktig å evaluere og eventuelt justere ordninga, innretning, retningslinjer, m.m. Det kan også vere aktuelt å vurdere enkelte mindre budsjettjusteringar. Dette vil fylkesdirektøren komme attende til i samband med budsjett og handlingsplan for 2022.

Konklusjon:

Fylkesdirektøren viser til opplysningane og drøftingane over og rår til vedtak i tråd med innstillinga.